

Den e di segundo trimester di 2024, consumidornan ta premira cu e situacion financiero di nan hogar lo ta un reto den e siguiente 6 lunanan.

Comunicado di prensa¹


Banco Central di Aruba (BCA) a conclui e Encuesta di Confiansa di Consumidor pa e di segundo trimester di 2024. E encuesta di confiansa di consumidor ta evalua e percepcion economico di e consumidor local.

Preocupacion principal di consumidor den e di segundo trimester di 2024:

- Casi mitar di e respondentenan ta premira cu nan situation financiero di nan hogar lo deteriora (Q2-2024: 42% vs. Q1-2024: 20%).
- Casi mitar di e respondentenan ta anticipa cu e situation di negoshinan y di economia lo deteriora (Q2-2024: 43% vs. Q1-2024: 47%).
- Mas cu un tercera parti di e respondentenan ta premira cu e posicion financiero di gobierno lo empeora (Q2-2024: 37% vs. Q1-2024: 34%).
- Como un tercera parti di e respondentenan ta premira mas dificil pa haya un trabou nobo (Q2-2024: 35% vs. Q1-2024: 38%).

Consumidornan tabata mas pesimista, mirando cu e Indice di Confiansa di Consumidor a baha cu 0,6 punto di indice te na 93,7 den e di segundo trimester di 2024 (mira Grafico 1)².

Grafico 1: Indice di Confiansa di Consumidor a baha den e di segundo trimester di 2024.




Fuente: Banco Central di Aruba

¹ E version original na Ingles ta prevalece,

² E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu consumidornan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e indice ta muestra un situacion di optimismo den pensamiento di consumidornan

E Indice di e Situacion Actual a baha cu 0,9 punto di indice, esta di 94,6 te na 93,7 den e di segundo trimestre di 2024. Mientrastanto, e Indice di Habito di Consumidor como e Indice di Expectativa a cay te na 93,8 y 94,3, respectivamente, den e di segundo trimestre di 2024. Esaki ta indica cu consumidornan ainda ta cauteloso encuan to nan habito di compra y fian sa den e di segundo trimestre di 2024. Tambe, prijsnan mas hal to den e proximo 6 lunanan ainda ta keda un preocupacion grandi den e di segundo trimestre di 2024. E Indice di Expectativa di Prijs a subi te na 90,2 den e di segundo trimestre di 2024 (mira Grafico 2).

Grafico 2: Resultado di Indice di Confianza di Consumidor den e di segundo trimestre di 2024.



Fuente: Banco Central di Aruba

Respondentenan cu a indica cu nan por cumpra menos cu nan entrada compara cu 6 luna pasa a subi te na 93% den e segundo trimestre di 2024. Pa e respondentenan cu a expresa cu nan ta spaar menos, esaki a baha te na 43% den e di segundo trimestre di 2024.

E relato completo di e Encuesta di [Confianza di Consumidor](https://www.cbaruba.org) ta disponibel ariba website di BCA www.cbaruba.org

Banco Central di Aruba

11 october 2024



Tocante Banco Central di Aruba

E proposito principal di BCA ta pa contribui na estabilidad financiero y prosperidad economico di comunidad di Aruba. BCA ta logra e mision aki door di implementa un maneho monetario efectivo dirigi na mantene estabilidad di balor di e florin, promove e solides y integridad di e sistema financiero y yuda mantene un sistema di pago eficiente y confiabel.

Banda di su tareanan principal, BCA ta encarga cu emision di biyete di florin y moneda di florin y ta e bankero di gobierno. Ademá e ta regula e transaccionnan di pago cu exterior y ta administra e divisanan di Aruba y ta controla e uzo di esaki.

Pa mas informacion tocante BCA, por bishita su website www.cbaruba.org
